

Carnavalskrant



2004

31^{ste} Oetgaaf



"Gekke krant" veur 't BEMELER-LAND
Bemele

't Gehuch



Gasthoes

't Wolfshoes 't Rooth

Carnavalsvereniging

"De BERGGEITTE"

Bemelen



Biste Berggeittte en Bergbok

Nog effe en dan is miene tied es preens van de Berggeittte alweer veurbie.

Zoaterdag 15 februarie 2003 is veur miech eine daag dei iech neet gow mie zal vergeete. Saoves roond de klok van tien oor ginge veer mit de jonges van de raad der zaal oet um in de sjoel der nuije preens op te hoole. Gaans neugter leep iech effe later weer neeve ein paar jonges van de raad noa binnen, en drooge veer ein groet plestiek snjuupke (dat moos die plestieke tuut temminste veursjtille) nao de buun op.

Wie Marco lanksaam vanaaf 11 begos aaf te telle en de meziek van de zoepnase de spanning nog get opveurde, woort ut auch veur miech tied um mich te versteeke. Iech how neet lang den tied, want ein paar telle later sjprong iech oet dat plestiek snjuupke euver de buun es nuije preens. Weh how dat toen nog gedag.

Dat gevoel wat op dat moment door diech heen geit is mit gein pen te besjrieve en kinste auch neet vertille. Dat mooste ins mit kinne maake. Noe 51 weeke later, zit miene tied es preens der op en mot iech de scepter aafgeeve. Zo sjnel es wie ut toen begos zo gow is ut noe aafgelouppe.

Veur miech es jubileujumprens, meh zeker auch veur de vereniging ein biezoonder jaor. 33 jaor carnaval in Bemele. Aafgeloupe november hubbe veer dat mit ein sjieke hoegmis en ein geweldige reseptie nog ins stillekes geveerd.

Jaomer, eueval keump ein einde aan, meh dat witste veur dat ste begins. Van eine kant is dat ouch mer good, want dan hubbe ze weer eine nuije gevoonde. Eine nuije welke aan de aaftrap steit van de volgende elf jaor. Vanaaf deez plaatsj wil iech hem alvas hiel veul sjerkte weensje, en iech houp dat heer ouch zoveul sjteun van uuch moag kriege es wie veer hubbe gehad.

Veer hubbe eine hartsjikke sjieke tied same mit uuch gehat. Iech wil dan ouch al die luij bedanke die mit oes op sjtap zien geweis, oos femmielie en vrund, de jonges van de raad van ellef mit hun vrowluij, jeugdpreens Max I en prinses Nadine, de keender op de sjoel en de auwt preense. Al diegeene die muziek hubbe gemaak, mit hubbe gezonge en gesjpronge, in der zaal of in de kaffees. Eederein dei bie de sjleuteleuverdraag op de gemeente waar, in de kerrik bie Menier Pesjtoer en Pater Koek, en al die luij die in den optoch hubbe mit gedoon es einzalgenger, groep of mit eine waagel, de artieste op de zitting, de verkleidde op ut auw wieverbal. De luij die allemaol hubbe gewerrik in der zaal, achter of veur ut buffit, in de kantien, of gewoon bie oes thoes.

Luij allemaol, aoch names Josine, Guy en Luc hartsjtikke bedaank, ut waar veur oes ein geweldig jaor.

Preens Guido II

Josine, Guy en Luc

Alaaf !!!



Kiek, es iech euer zien buukske vrief,
Weurt 'r nog langer,.. die schuiftrombone

**Onze caravans hebben een
zeer hoogstaand niveau!**



KAMPERE OP NIVO !!!

Veur toeriste die gein genoeg neume mèt zoe mèr 'n plèetske op de iersjte de bèste camping, hèt

CAMPING MOOI BEMELE

Vanaaf dit seizoen 'n nuuj arranzjemint in de aanbieding !!!
Wilt geer kampere op niveau ??? Wilt geer neerkieke op die èrrem kloetzèk die zich lieg-bee-de-grond sjtoon te maore mèt hieringe en sjeerlijne, mèt veur- en achtertente ??? Wilt geer ein vakansie tussje de sjtèrre (of in eeder geval toch 'n sjtùk korter debèe) ???

VEER HÙBBE VEUR UUCH:

- o Eine luxe caravan, op gooje sjtand, hoeg niveau (30 meter)
- o Zoonder lèstige bure (en ès ze toch lèstig weure, kint geer ze gemeekelik op de kop pisse)
- o Fantasties oetziech (mèt verrekijker tot achter Sustere)
- o Eige sjpringplank veur 't zjwumbad (gewoen réch nao onder sjpringe)
- o Eige fitness-centrum (veer kier per daag de lùdder op en aaf)
- o Hypermoderne en goodgekeurde brandbeveiliging (twie parasjuuts aanwezig)

NB: minder gesjik veur luij mèt hoegtevrees of bibberkneeje, gein hoesdeere (mèt oetzeundering van kanaries en doeve), keender allein aan de lijn (bungy-jumpe verboojé!!!)

BOOK SJNEL, VOL IS VOL !!



Zaoterdag 7 Februari

Ouw Wieverbal Met Prinsoetrope



'T Bal begint um 20.11 oor
Preens (de 34^e) zal um
22.11 oor weure oetgeroope.

Kiek 'ns in de kleijerkas of op zolder, of
vraag aon Oma é pekske en dan make
veer d'r weer éch un ouw-wieverbal van.
D'r zint auch weer preis veur 't bes
verkleijde oud-wief of oud-menneke!!

Muziek: Hans Coenjarts

***Ja Jean, op die meneer kom iech ouch
op 144 keuj,...***



DE GERUCHTEMEULE !!!!!!!

Hèij zeen veer dan weer: de Geruchtemeule drèjt weer op volle toere !!!

Es ze 't uuch vraoge: geer hùb 't neet van òs, deenk d'r aan....

Veer kinne uuch oet oonverdachte (en miestal betrouwbare) bron melde dat 't noe auch weitensjappelik vàs sjteit: Bemele is 'n look. Helaas, wat die van Mestreech altied al gezàg hùbbe, bleik noe dus auch nog ech te kloppe. Dat keump op ziech al zèlde veur, mèt die van Mestreech, en ès 't al eine kier veurkeump, dan valle veer eigelik liever kepot dan dat veer 't tòwgeve, mèr wat woer is, is woer en moot gezag weure: Bemele is 'n look....

Dat de Vaolserberg 't hoogste punt van Nederland is, dat hùbbe veer - tenminste degene die opgelèt hùbbe - vreuger op de lieger sjoel al gelierd. En dat dè berg mèt zien 322,5 meter bove NAP (Normaal Amsterdams Peil, dat is dus neet zoe'n geweldig niveau) auch 't hoogste punt van Zuid-Limburg is, ligk dus nogal veur de hand. Mèr in de zomer van 't aafgeloupe jaor vroogte die van de gezèt - die groete gezèt, woe de groete leuges insjtoon - ziech aaf wat dan eigelik 't liegste punt van Zuid-Limburg zow zeen. Ze hawwe dao zeker niks beters te doen... Mèr good, 't bleek dat dao eigelik nog geine éch euver naogedàch hàw. Veer hauwwe noe einmaol mie van hoegtepunte es van dieptepunte...

De groetste kompjoeters van Nederland woorte d'r bee gehaold, alle landkaarte die ze mèr kooste veende. Mèr niks... Dat kaom, zoe bleek later, umdat ze op de verkierde plaats aan 't zeuke waore. Eederein dach dat 't liegste punt van Zuid-Limburg waal ùrreges langs de Maas zow ligge, want water zeuk ziech ummers altied de liegste plekke oet. Noe ligge dao langs de Maas inderdaad waal 'n paar dieptepunte. Um mèr ein veurbeeld te neume: Mestreech. Kint eine minsj deeper zeenke ??? Mèr nein, dao bleek niks van te kloppe....

Bee Riekswatersjtaat wiste ze te melde dat Mestreech toch nog altied zoe'n 44 meter bove NAP ligk. Dat is neet hoeg - lang neet zoe hoeg, in eeder geval, es die Mestreechtenère altied van de toore blooze, en lieg genoeg tot 't water ze dao zoe noe en dan tot aan de lùppe sjteit - mèr 't kin nog ein sjtuk lieger. Oetvoerige studie van de landkaarte brach oeteindelijk de oplossing: 't liegste punt van Zuid-Limburg is mèr 26 meter bove NAP. En woe ligk dat? In Bemele !!! Um precies te zeen: langs de Zjwarte Weeg, ùrreges achter 't Gehuch, ongeveèr bee 't oeteinde van de Kattegrub. Deeper kinste in Limburg neet zeenke zonder onder de grond te goon....

Moote veer dao van wakker ligge? Moote veer òs daoveur sjaame? Netuurlik neet. Zjus wie ze in Vaols gruutsj zeen dat ze dao 't hoogste punt in hoes hùbbe, zoe moote veer gruutsj zeen op òs eige dieptepunt !!!

Veer hùbbe inmiddels oet onverdachte (mèr mesjiens neet zoe gans betrouwbare) bron vernooome dat de Middelstjandsvereiniging van Bemele (ze doen alle drei mèt...) ein projectbureau in de èrrem hèt genooome ùm 't Bemeler dieptepunt es toeristies hoegtepunt te goon ontwikkele. D'r keump 'n monumint, en 'n oetkiekpunt. Nei, geine oetkiektore, mèr 'n oetkiekput. Precies op 't dieptepunt boore ze 'n gaat van 27 meter deep. Dao keump 'n lif in, zoedat toeriste aaf kinne dale tot eine meter onder zie-niveau. Dat is uniek veur Limburg !!! Dao onder is wèjjer netuurlik neet veul te zeen, mèr volges de gelierde kinste dao waal hiel deepe gedachte bee kriege. Veer zòwwè dat neet weite, want veer hùbbe noets deepe gedachte.... Waal liege, mèr dat is gèt gans anders....

Veer hauwwe uuch netuurlik op de huugte - of moote veer in dit geval zègge: in de diepte - van de ontwikkelinge. Tot volgend jaor, dan drèjt de Geruchtemeule uuch weer 'n raad veur auge.....

Geen flauw idee...

ASTRID BROUWERS
4 TEGENSPELERS

75
2x

€ 1.522

CATEGORIE **WANKHUTJE** **MOEDLIEK**

Hoe laat kwam Paul thuis na de carnavalszitting?

A Een uur of 2

B Een uur of 5

C Hij kwam helemaal niet thuis

**RIJST
TEGEN
11**

KÈNNISMAKING:

Vriegezèl, neet onbemiddeld (boekmaat 156 centimeter), rèch van lief en leeje, gein keunsgebeet, waal bartype, bar gezellig, zeuk onbeheerde vròw of onbemande dame. Breeve mèt foto kint geer sijkke nao de redaksie van dees gezèt (oonder vermelding van advertensie nr. 68)

SJPORTARTIKELE:

Beginnende golfer, bitsje van sjlaag (zit tijdelik in eine golfcrisis), zeuk sjtevice caddy um 'm zien tèsj mèt clubs (en auch nog 'n paar knuppele) achter de vot aan te sjleipe. Geroete brook verpliech. Maog auch 'n bitsje bekàk praote. Moot veur de tee zùrrige es de baas mèt de put zit te kloete. Beloening nao draagkrach. Aanmelde bee de Raod van Ellef (vraoge nao Hugo)

TRANSPORT:

Raod van Ellef zeuk nuij vervoer veur zoe noe en dan ins boete de deur te kinne goon zoepe. Veer zitte in zak en as. Wè hùllep os oet de brand? Waarsjuwing: 't kin d'r bee os zoe noe en dan heit aan tow goon. Belangsjtèllende kinne sjriftelikke offerte indeene bee de penningmeister van de Berggeitte.

ZOEKERTJE:

Glaas beer zeuk eine mèt groeten doorsj. Leefs zoe sjnel meugelik, want iech sjtaon al te versjaale. Breeve (foto hoof neet, waal gère opgave van tankinhoud) nao de redaksie van dees gezèt (oonder nummer 111)

TE HUUR GEVRAOG:

Hockeyclub zeuk weges umsjtandighede nuij oonderdaak, leefs omgeving Bemele of Keer. Moot groet genog zeen um alle hockey-balle van Keer te verzamele, en zoe noe en dan ins op 't gemaak eine sjtevice stick op te sjteke. Mèt gooj ventilatie - iet wiet waait weg - en brandveiligheidsgaransie.



Zoondig 8 februari
Vanaaf 17.00 oor

Foto's ophange bee Café de Baskuul en Café 't Plateau



De Dansmadies



Iech krieg al pijn
es iech d'r nao kiek





BEMELE HÛLLEP PAPOEA'S

(Van òzze boetelandse correspondent)

Bemele hèt ziech weer ins van de bèste kant laote zeen, deze kier aan d'n andere kant van de wèrld, in Nieuw-Guinea.

Wie CV de Berggeitte ziech aafgeloupe jaor, bee gelegenheid van 't 33-jaorig besjtoon, nuij patsje aansjafte, waar de vraog: wat doen veer mèt die auw mutse ?? Iersj wilde de Berggeitte ze nog beware tot mèt de rommelmèrret, um zoe nog 'n paar cente d'r aan te verdeene, mèr oeteindelik hùbbe ze toch besjloote gèt veur 't gooje doel te doen.

Oud-prins No d'n Iersjte kaom mèt 't idee. Heer hèt lang geleeje in deens gezete op Nieuw-Guinea, en heer kòs ziech nog herinnere dat die Papoea's dao nog geine nagel hùbbe um hun koont te krètse, laot sjtoon um 'n fetsoendelike brook te koupe, laot sjtoon um ziech gèt op de kop te zètte behauve 'n paar vèère...

Umdat No toch toevallig net veur de carnaval veur 'n paar weke trùgk ging nao Nieuw-Guinea, hùbbe de Berggeitte besjloote 'm die auw patsje mèt te geve, en die Papoea's dao 'n plezeer mèt te doen.

No hèt os inmiddels laote weite dat 't kadootje oet Bemele in Nieuw-Guinea mèt gejuich ontvange is... "Ze kriege nog neet ech oonder hun muts wat carnaval is, mèr ze weite waal dat ze noe tenminste 'n bitsje besjèrming hùbbe tege eine zonnesteek", vertèlde No. "En zègk noe zèllef: 't zuut d'r toch metein 'n sjtuk sijeker oet ???"

Sponsors

Voor aankoop, vakkundige reparatie en onderhoud van al uw land- en tuinbouwmachines

LAND- EN TUINBOUW-MACHINEHANDEL

BÈR HUYNEN

Aan de Fremme 58
6269 BE Margraten
Tel. 043-458 43 80
Fax 043-458 43 81
E-mail: ber@huynen.etrade.nl



Leveringsprogramma o.a.

**VALMET-ZETOR-EICHER-HARDY-PÖTTINGER-JOSKIN
RABE-MULLOS-HOLORAS-STRAUTMAN-SABO-ALKO
HUSQVARNA**

ASK

AUTOSERVICE KEER

- ♦ verkoop nieuwe en gebruikte auto's
- ♦ reparatie en onderhoud alle merken
- ♦ APK-keuringen benzine en diesel

Kerkstraat 38a 6267 ED Cadier en Keer
tel 043-4072727 fax. 043-4072733 www.autoservicekeer.nl

Patrick en Paul





GROETE OET THAILAND !!!

(Van òzze boetelandse correspondent)

Tom joem koeng lae pla Moek. Kang ron. Tod Moen pla Bingo!!
Pad mie krob, pla prio wan kow tom kai. Kai p'anang moo tod. En
kiene kinne ze heij auch neet... Kai tod karb kratiem, pad king kai
jad-sai!! Noea nam toak pad ho-ra-pa koeb, kai lool koei lekker
vrowluj.... Som toem tao sjiew lon. Kang masaman !! Maled
khanoen kow neo toea dom, en 'n bitsje kow neo sang kaja. En nao
hoes wil iech veurluipig nog neet. Jammie-jammie.

Geef 'm ins ongeliek.... Bingo, 't mies beruchte auwt-lid van de
Raod van Ellef van Bemele, hèt de vogel aafgesjoote, dao in
Thailand. Of, um in zien eige weurd te sjpreke: zès ciefers
aafgeroope en iech hùb al 'n volle kaart. Heer veult ziech dao wie
eine sjeik in ziene harem, wie eine sjlurref aan eine olifant, wie 'n
glaas beer in eine kaffee, wie Nou ja, heer veult ziech dao
thoes. De taal sjprik heer al hiel aardig, wie oet 't bovesjtaonde
verhaol blik, al kin dat mesjiens door sjteuringe in d'n tillefoon 'n
bitsje verkierd euver zeen gekome. Dè 'kai look koei' hùbbe veer
tenminste al ins in ein Thais restaurant op 't menu zeen sjtoon, mè
es Nederlandse vertaling 'Schoonzooneieren' d'r achter... Of dat
zoe'n good teike is....??? Mèr veer kinne ziene sjoen-pa dan auch
neet. Mesjiens meint dè 't allemaol hiel good.

Bingo is inmiddels, liet heer òs weite, drùk bezig met eine cursus
paoldanse, zoedat heer in de toekoms auch 'n bitsje de kòs kin
verdeene, dao aan d'n andere kant van de wèrld. Volges zien
lieraresse deit heer 't prima. Mèr ja, Bingo hèt altied al good paol
kinne hauwte....

Ein deenk sjteit noe al vàs: Thailand zal noets mie weure wat 't
gewèès is....



Zoondig 15 Februari

Keender Zitting



13.44 oor:

Oploate van de Berggeit
en ballonenwedstrijd.

Aansjletend optredens

vaan diverse artiesten van eigen bodem.

16.00 oor:

Oetroope vaan de nuije Jeugdpreens en Prinses

Op bezeuk kome de:

** Klenderairkes oet Keer*

** De waterrätsjes oet Schin op Geul*

** De Kwakvusjkes oet Eijsden*

's aoves foto's ophange
in Café de Baskuul



DE GROETE PRIESVRAAG !!

Speesjaal veur òs trouwe abonnees hùbbe veer dit jaor weer eine biezeundere priesvraag bedàch. Mèt eine unieke iersjte pries, woe geer uuch vrùn, uuch familie en uuch kènnisse fleenk de auge oet kint sjteeke.....

WAT MOOT GEER DOEN ????

Op de pagina heij-neve zeet geer veer foto's. Zeen 't luij die op hunne achterkop van de trap zeen gevalle ?? Zeen 't luij die gein gezeiver aan hunne kop wille hùbbe en veur de rès auch niks ?? Dao hoof geer uuch de kop neet euver te breke... 't Innigste wat geer moot doen, is bee die veer foto's de gooj name invulle. Wè zit aan de veurkant van dees achterkante ????

WOE MOOT GEER AAN DEENKE ????

Sjrief de gooj oplossing op 'n breekkaart. Waal precies aangeve welke naam bee welke foto huurt. Beveurbeeld: leenksbove is Kojak, réchsoonder eine biljartbal, en zoe weijer en zoe weijer... Sjtuur die breekkaart nao de president van de Berggeitte (geer maog 'm auch 'n breekke in de han duijje). Oeterste datum van inzending is zoondig 15 fibberwarie, de daag van 't Bemeler keendercarnaval.

WAT KINT GEER WINNE ????

Veer hùbbe mer eine pries - dat weurt dus loote - mèr dat is dan auch eine bezeundere: Gaston, de hofkapper van 't Gezètsje, bezùrrig de prieswinnaar, gratis en veur niks, precies zoe'ne sjieke geswanjeerde en oonderhouds-vreuntelike coupe es die veer op dees foto's. De priesoetreiking - 't knippe en sjeere - vindt plaats in de week veur carnaval (d'n daag maog geer in euverlègk mèt Gaston zèlf bepale) tijdens ein openbaar fees-zitting in café De Baskuul !!!!!

DAT MAOG GEER NEET MISSE !!!!!

DAOT MÈT, DAOT MÈT, DAOT MÈT !!!!!



A:.....



B:.....



C:.....



D:.....

WIS GEER ??? WIS GEER ??? WIS GEER ???

o dat veer noe zeker weite dat de fietsbrùgk in de Meuleweeg (die brùgk euver de Aokersteinweeg) auch besjtand is tege zjwoer verkier op mie es twie wiele ???

o dat veer dat gehuurd hùbbe van eine traktor-besjtuurder dè tijdelik in deens waar van de mobiele thoeszùrrig-thoesbezùrreging, en waal eine kortere weeg wis ???

o dat 't auch eine sjmaalere weeg waar, mèr dat heer aan weerskante van de raajer nog minstes twie centimeter sjpeling haw, es heer ziech tenminste neet te breid maakde ???

o dat de Berggeitte veur de jubileumzitting van dit jaor auch ein aanmelding gekrege hawwe van eine zekere S., dè tege eederein reep (mèt de naodruk op 'reep') dat heer waal ins zow goon optreijje, en zoonder microfoon ???

o dat de Berggeitte nao riep beraad besjloote hùbbe um dao neet mèt in te sjtumme, umdat ze veurig jaor al zat probleme hawwe gehad mèt de decibelle ???

o dat 't twiede van de FC Bemele eine speesjale euverval-taktiek hèt oontwikkeld um de tegestanders te verasse ???

o dat dè'n taktiek hartsjtikke good wèrrek, umdat ze bienao altied binne de ierste vief minute al 'n gool make ???

o dat voetbal-wedstrijde jaomer genoeg 90 minute doore, en dat de verrassing d'r bee de tegestander nao die ierste vief minute waal aaf is ???

o dat oud-prins Piet Pakbier 'n jaor tüssje de Chineze hèt gewèrrek en gewoend ???

o dat ze dao zoe oonder de indrùk zeen van wat heer hun gelierd hèt, dat ze 'm dao - zjus wie Guus Hidding in Korea vanwege zien groete verdeenste de ierenaam Hiddingu hèt gekrege - Pi-Pakki-Biru neume ???

o dat dat zoe oongevèr gèt beteikent wie: Pie, pak diech ein pilske (en neum miech auch eint mèt) ???

o dat de organisatore van 't Wild-Wès-fees in de Baskuul (mèt oud en nuuj) auch eine pries wilde oetreiche aan de zaatste bezoeker ???

o dat ze in de ganse kaffee geine kooste veende dè zaat genoeg waar um veur dè pries in aanmerking te koome ???

o dat ze oeteindelik de pries mèr oetgereik hùbbe aan degene dè bee 't op ein nao lèste fees van veurig jaor 't zaatste waar gewèss ???

o dat veer os aafvraoge wè eedere deensdiddmùrrige die plastic tuute van de Giraf langs de Hoegerach parkeert ???

o dat veer gère toeriste nao Bemele zeen koome, mèr dat veer aan aafval-toeriste gein behoefte hùbbe ???

o dat veer 'n oetzeundering make veur aafval-toeriste die nao Bemele kome um 'n bitsje aaf te valle en zoe meteen auch 'n bitsje bee te kome ???

o dat veurig jaor in Bemele eine lanteerenpaol umgevaare waar, mèr dat den dader ziech oet de veuj maakde zonder 'n visitekeertsje achter te laote ???

o dat veer in de weke daonao good opgelèt hùbbe wè ziech allemaol plotseling eine nuijjen auto aansjafde ???

o dat veer noe deenke dat veer weite wè ziech dè paol gesjaard hèt, mèr dat veer 'm neet in 't openbaar veur paol wille zètte ???

o dat heer mesjiens binnekort vanzèllef zien zonde waal opbeech, umdat beechte eine minsj verliechting geuf ???

o dat d'r bee opbeechte in 't openbaar mesjiens zèllef openbaar verliechting in zit ???

o dat veer 't dit jaor mèt de intoch van Sinterklaos in Bemele neet zoe good begreepe, want dè kaom aan op 'n kar, mèr heer leep debè esof heer net onder die kar waar gekome ???

o dat de Kromme nog mèr ein jaar hoof te wèrreke, en dat heer dan van zien welverdeende rùs maog goon geneete ???

o dat veer 'm aangeraoje hùbbe noe al vas te beginne mèt 't get rustiger aan te doen es gemeenteambtenaar boetedeens, zoedat heer sjtraks tenminste good oetgerùs aan zien nuij carrièrre es gemeenteambtenaar boete deens kin beginne ???

o dat veer veurig jaar einen tip kreege van wandelèèrs die in de bùsj nèskeskes hawwe zeen hange mèt 't gaat neet aan de veurkant, mèr aan de achterkant, tege de sjtam aan ???

o dat die wandelèèrs voonte dat veer dao in de carnavalsgezèt mèr ins gèt euver mooste sjrieve, umdat die van de Vogelwèrregroep blikbaar neet gans good mie op 't look waore ???


o dat veer nao eind deepgravend oonderzoek d'r achter kaome dat die nèskeskes neet veur veugel zeen, mer veur eikelmoeze, en dat eikelmoeze 't leefs achterum binne kome ???

o dat veer euver die van de Vogelwèrregroep dus gein dom grappe maoge make ???

o dat veer dat waal jaomer veende, umdat d'r veur de rès in 't aafgeloupe jaor veur de rès auch mèr wienig gebeurd is um domme grappe euver te make ???

o dat veer daorum mèr eine punt d'r achter zètte ???







OPSJPORING VERZOCCH !!!!

(Van òzze boetelandse correspondent)

Amerika is in rep en roer !!! President Sjors Boesj persuumlik hèt de CIA en de FBI opdrach gegeve onmiddelik ein groet oonderzoek te sjtarte, naodat eine hiel geheime agent op Cuba hèt ontdèk dat president Fidel Castro eine nuijje adviseur hèt aangetrokke. De geheime deenste van Amerika wiste al lang dat Fidel hùllep kreeg oet Rusland, Korea en China, mèr blikbaar hèt heer ziech sinds 'n paar maond ein nuij geheim wape ingehuurd, en geine wèt woe dat vandaan keump. Mèt gevaor veur eige leve hèèt eine Amerikaanse sjpion 'n foto weite te make tijdens 'n geheime vergadering van de Cubaanse regering, en dao is de nuijje adviseur op te zeen, vlak neve Fidel, es-of ze al jaore de bèste kammeroaje zeen.

Volges de CIA geit 't um eine minsj mèt 'n hiel intelligent uuterlik (al wèt heer dat dèks good te verberrege) en mèt 'n good getraind liechaam dat 'n bietsje kroomp sjteit vanwege de boetegewoen krachtig oontwikkelde sjpiere. Dèskundige die de foto besjtudeerd hùbbe, meine dat heer oetermate gevierlik oet zien auge kiek, en dat heij duudelik sjprake is van eine minsj dè ziech door geine in zien beer liet speijje.


Amerika vrees 't ergste...

Sjors Boesj hèt inmiddels 'n beloening oetgeloof van 600.000 dollar veur eederein dè aanwizinge kint geve die leide tot de opsjpooring van deze oonbekinde adviseur van Fidel Castro. Volgens de president van Amerika is 't ein zaak van levesbelang um d'r achter te koome mèt wè dat Fidel zaake deit. De Amerikane vermoede dat 't um dezèllefde man geit dè oud-president Bill Clinton versjlaaf hèt gemaak aan (Cubaanse) sigare en watste dao allemaol mèt kins doen behalve rouke. "De veiligheid van de wèrld sjteit op 't sjpel", volges Boesj.



Zaoterdig 21 Februari

Sleutel-Euverdrach
In 't Gemeintehoes in
Mergraote



19.30 oor:

Openen van de carnaval in Bemele door
het ophangen vaan de Geit bie de Den.

's Aoves gunt de Groete en Kleine Prins
mit hun gevolge nao café 't Plateau boe
veur eederein get te ete en te drinke is



Zoondig 22 Februari

Groet "Gala" bal in Café de Baskuul

Golfmiljonairs koulen in veur de weenter,...






Toen wij van onze ouders hoorden dat wij gevraagd waren om prins en prinses te worden, vonden wij dat best een beetje eng. Maar toen we eenmaal wisten wat dat allemaal inhield, leek het ons wel heel erg leuk. Pas nadat we allebei “ja”gezegd hadden, hoorden we wie de ander was. Dat was best nog spannend! In die tijd was het op school heel erg leuk. Iedereen dacht dat Erik en Emma prins en prinses werden. Niemand dacht ook maar een moment aan een van ons. Dat was eigenlijk wel makkelijk want wij vonden het heel moeilijk dat we het niet aan iemand mochten vertellen. Eindelijk was het zover: de jeugdzitting! Wij zaten samen verstopt in een kartonnen piano. Dat was echt heel erg spannend!!! Toen we eruit kwamen waren heel veel mensen erg verbaasd. Het was echt een geweldige dag. Na het uitroepen waren we naar de kantine gegaan om er wat te eten. Daarna gingen we naar café de Baskuul om er onze foto op te hangen. Dat was daar een fantastisch feest! Samen met “onze” grote Prins Guido II hebben we ontzettend veel lol gehad! Wat wij ook echt “vet” vonden was dat de mensen er zo leuk op reageerden. We hebben ontzettend veel kaarten, snoep en leuke cadeautjes gekregen. Wij willen iedereen hier nog eens heel erg voor bedanken! Na het uitroepen moesten we nog een weekje naar school en toen begon de Carnaval. In die week hebben we heel veel leuke dingen gedaan: het pyjamabal, op ziekenbezoek gaan, de gezellige middag met de jeugdraad enz.. We hadden ons ook erg verheugd op de optocht: bovenop een wagen staan en snoepjes gooien en al die mensen die naar je kijken, lachen en zwaaien. We hadden ook nog eens het mooiste weer dat je je maar wensen kunt. We vonden het jammer dat het Aswoensdag werd. Die avond was het echt voorbij. Alles bij elkaar vonden wij het fantastisch. Wij hebben heel erg genoten!!! Wij hopen dat de volgende Prins en Prinses net zo’n mooie tijd krijgen als wij gehad hebben! Wij willen iedereen nog eens heel hartelijk bedanken voor die geweldige tijd en speciaal Eugene Mourmans en Marjo Merken. Bedankt!!!!!!

Bemelen, ALAAF, Berggeitjes, ALAAF, Carnaval, ALAAF

Prins Max & Prinses Nadine



Maondig 23 Februari

Jeugdpreens mit ziene raad van ellef
bezeuke de keendercarnaval in Keer in
't Keerhoes.



Wé ligk (steit...) hei op de foto?

- A. Servé op het Cubaanse sjtrand?
- B. Fér Vaesen op vekansie in Brazilië?
- C. Wiel Geelen in d'n achtertuin?



Zoemèr unne zoondigmiddag bij de
FC bemelen



JA

Geadresseerd
drukwerk

NEE

Carnavals
Mutsen



Dat wiste veer natuurlijk al lang,
mèr noe weite veer ouch
wat die Hollenders heij komme zeuke,...



Deensdig 24 februari

Groete Carnavalsoptoch

Opsjtelle:

12.11 oor op 't Gasthoes

Vertrek:

13.11 oor

route:

*'t Gasthoes, Bemelerberg, Auw Akerstraat,
St.Laurentiusstraat, Steeg, Sjeutelweeg,
Schepenbank, Auw Akerstraat, Gemeenschapshoes.*

's middags en 's aoves springe in de zaal

Iech bin toch neet
tevreije euer die
haortransplantatie,.....



Undersjeijing van de kopere kromme veur:



o HERMENIE ST.-LAUREENS

Umdat ze dit jaor negentig jaor besjiteit, en oondanks dè gevorderde lèèftied toch nog zoe joonk van hart is dat ze in 't naojaor weer 'n fleenke partij mèt geit blooze op 't boondskonkoer. Sukses !!!!!

DE ZOEPNAZE

Umdat ze al 22 jaor in de ganse wèrld en umsjtreeke laote huure dat die van Bemele, es 't um karnaval geit, van toete en blooze weite.....

D'N DRUMBAND

Umdat die in 't aafgeloupe jaor iersj in Weert op 't konkoer van de Limburgse Boond van Tamboerkorpse mèt 87,02 punte eine iersjte pries mèt promotie beejein wiste te trommele, en daonao in Maasbree mèt 90,84 punte auch nog de Limburgse kampioenswimpel in de derde divisie sectie A2 binne haalde....

JO HOUBEN, MARCEL NIJSKENS EN HUUB BEIJERS

Umdat die 't aangedùrref hùbbe um de geledere van de Raod van Ellef van de Berggeitte te kome versjterreke, en dao weer eine echte Wieze Raod van te make.....

PIERRE PIRNAY

Umdat heer de zijwoer taak op ziech hèt genome de Berggeitte es president op 't rechte paad te hauwte, terwijl heer toch wis wat heer ziech daomèt op zien daak haolt....

WIEL DREESSEN

Umdat 't Hare Majesteit hèt behaagd 'm te beneume tot Ridder in de Orde van Oranje-Nassau, en umdat veer dat netuurlik neet op os kinne laote zitte.....



Asgoonsdig 25 Februari

De Prins en ziene raad nuudige uuch oet
um same met hun um 19.00 oor de mis
te bezeuke.

Daonao: Hieringe Biete

Bee

Cafe de Baskuul





*Iech zegk zoe tege dè klootzak: dat is waal
zwoer kot wies tiech die errem klootzak
gekoot höbs.*

*Zoe'ne klootcaravan, gein klootzak in de kraom
van vrete, en dan durf stiech, auw kot dao
ouch nog unne bak beer veur te vraoge,..*

*Es iech die luij waar gewès, dan houw
iech diech toch oonder diene zoot gesjtamp*


Televisiedebuut Auwd Preens Jef Corten





Marie !! Boe is die
aafsjtandsbedeening?,...

Sponsors



Maurice Ubaghs
Exterieuire Facilitaire Diensten

Kerkstraat 6

6267 ED

Cadieu en Keer

Tel. 043 – 4070160

Fax. 043 – 4070161

De Weurstekraam

**Veur de groete
én lekkere trek**

FORMIDO


*De echte Doehetzelver
ken niet zonder*

Grondverzet Machine Verhuur

John Meys

Dorpstraat 51, 6251 NB Eckelrade

Tel. 043-4082233



Auw geitte op weeg nao de hoeswei

KARNAVALSKALENDER 2004/05

2004

Zaoterdig 7 fibberwarie: Prins oetroope
Zoondig 15 fibberwarie: Oetroope nuij jeugdprinsepaar
Zaoterdig 21 fibberwarie: Sjlouteleuverdrach gemeintehoes
Deensdig 24 fibberwarie: Groete optoch
Goonsdig 25 fibberwarie: Heringe biete

Zoondig 21 miert: Leentekriebels in de kop
Vriedig 9 april: Gooje vriedig
Zoondig 11 april: Paosjeier zeuke...
Vriedig 30 april: Keuneginnedaag, Oranje bove...
Donderdig 20 mei: Hiemelvaart
Maondig 31 mei: Pinkpop
Maondig 21 juni: Zomer, eindelijk....
Deensdig 21 september: De blaajer beginne te valle
Maondig 4 oktober: Deeredaag
Zoondig 31 oktober: Halloween. Hallo-wat...???
Donderdig 11 november: Eupening nuij carnavalsseizoen
Maondig 6 december: Sinterklaos
Zaoterdig 24 december: Keersmis
Deensdig 28 december: Onnuuzel Keender

2005

Zaoterdig 1 jannewarie: Nuijjaorsdaag
Zaoterdig 8 jannewarie: Groete carnavalszitting
Zaoterdig 22 jannewarie: Al weer eine nuije prins
Zoondig 30 jannewarie: En al weer ein nuij jeugdprinsepaar
Deensdig 8 fibberwarie: Optoch

En zoe vluug d'n tied veurbee es 't gezellig is....